

2 Yoane Yoaneñe ekap betñan kulemguop.

O bukulpine,

¹⁻² Yeñe Kiristo Bulãñe Amboñahãlen biwiyeñe kepeñetã Anitãñe yãkãt pat kuyiñgimu mansai. Neneñe yãk orop biwinenñe kepeiakmã konohãk otmu manmã yãhãmbisãin. Yakãt otmã nã kunyeñe manmã galemyongom mansanne, nãñgãyiñgim ekap yu kulemgum katiñgian. Otmu lohimbi nombotñe Kiristohãlen biwiyeñe kepeim mansaiñe gurã nãñgãyiñgiai.

³ Awoñnenñe Anitãñe nanñe Kutdãnenñe Yesu Kiristo orop nãñgãningim tihitnenñe otmutã biwinenñe sãnduk sãekgãt nañgan. Yawu otningimutã yãk yetgãt wãtyetñan kinmã den bulãñeãk alahum buku orañgim mannom.

Biwinenñe kepeiakmã konohãk otmu buku orañgim mannom.

⁴ Neneñe Kiristohãt den bulãñe lãum mannomgãt Anitã Awoñnenñe sãm kalop. Yakãt otmã yeñgãlen gãtñe nombotñe Kiristohãt den tiñãk lãum mansai ya yekmune ãilongo otmu herone nãñgãyiñgiman.

⁵⁻⁶ Yakãt otmã yuwu sãmune nãñgãñet. Yen kerekñe biwiyeñe kepeiakmã konohãk otmu buku orañgim manmã yãhãnomaihãt emelãk den kãsikum yiñgimune nãñgãwi. Den kãsikum yiñgiwan ya yiwerene yawuãk kulemgum katiñgian. Yakãt otmã nenñe yen orop yawuãk biwinenñe

kepeiakmâ konohâk otmu Anitâhât den lâum buku oranġim manmâ yâhânôm.

Lok perâkne yengât sâop.

⁷ Lok perâkne yengât yuwu sâmunne nângânet. Lok perâkne dondâhâlâkne Kiristohât lohimbi nengâlen torokatbi. Yamâ nenne yâk orop biwinenņane ki kepeiakmâ konohâk otmu manbin. Yawu manbin ya pilânenekmâ ari yuwu sâm lohimbi ekyongomai. “Lohimbi nengât tihitnenne olâkgât Anitâne Yesu Kiristo himbimâmbâ ki hângângumu giop. Yâhâmâ lohimbi nen yuwuya,” yawu sâm Yesu mem ge katmai.

⁸ Yâhâ nenne Kiristohât den pat âlepne kâsikum yingimunne nângânetâ bulâne otmu yâkât âi meņetâ, manman âlepņahât bulâne âlâlâ teteyingimu mansai. Bulâne ya yawuâk teteyingim yâhâwuapgât biwiyenē galemahom mannomai. Yawu otmâ yâkât âi tiņâk mem mannomai otmuâmâ sâp patoen yakât hâmenē Anitâne dopyenjan ikņiâk ikņiâk yingimu menomai.

⁹ Lohimbi nombotņane bukulipyenē den kâsikum yingimai yan Kiristohât den bulâne yakât andemne wangim yenē nângân nângân torokatmai. Lohimbi ya yengât nângâmunne yâkne Anitâ orop biwiyenē ki kepeiakmâ konohâk otmu manmai yawu otmap. Yâhâ lohimbi nombotņe âlâneâmâ Kiristohât den tâņ tâņâk kâsikum yingimai. Ya yengât nângâmunne yâkne Awonnenne Anitâ yet nanne Yesu Kiristo orop biwiyenē kepeiakmâ konohâk otmu manmai yawu otmap.

¹⁰ Yakât otmâ lohimbi âlâ me âlâne yengâlen taka Kiristohât den andemne wangim âlâ kâsikum yinginomai yamâ emetyejan ki dâim yâhâ katyekmâ sot um yinginomai. Me ki herone otyingim yâk orop den huhunomai.

¹¹ Yâhâ herone otyingim yâk orop den huhunomai otmuâmâ yâkne den perâkne lohimbi kâsikum yingimai yakât matne Anitâne yâk yingiwuap ya yen gurâ yawuâk yingimu menomai.

Den bâine sâm hâreop.

¹² Nângân nângân âlâlâ biwinan tap ya hârohâk kulemgum katyingimbâm yamâ nângâmune umatne otmu pilâm den pâne tâlâwâk yu kulemgum katyingian. Yâhâ hâmbâi nâne yengâlen takamune enaknom yanâmâ den yu torokatmâ alahum herone nannginginomgât nanngan.

¹³ Otmu Anitâne kapi yu ambolipne meyekmâ Kiristohât pat kuyingimu manmai yane orowâk nângâyingian.

Nâ bukuyeje,
Yoane

Yesuât Den Pat Âlepŋe
The New Testament in the Selepet Language of Papua
New Guinea
Nupela Testamen long tokples Selepet long Niugini

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Apr 2025 from source files dated 31 Aug 2023

995083d2-705e-5a60-af47-1e36806ccbc